



Brevis Delineatio Totius Controversiae Sacramentariae : Sex
propositionibus sive quaestionibus inclusa & comprehensa, omnibusque
coelestis veritatis, pacis concordiae cupidis ac amantibus ad iustum
examen atque legitimam diiudicationem, & ad pacem ac concordiam
protestantium procerum stabiliendam & confirmandam publice proposita
Francofurti

Theol 4° 00569/03 (06)

https://dhb.thulb.uni-jena.de/receive/ufb_cbu_00010162

urn:nbn:de:urmel-09fa0da1-c1e5-400e-87d6-d589aff4ce4c-00009387-14

Lizenz: <https://creativecommons.org/licenses/by-sa/4.0/>





urn:nbn:de:urmel-09fa0da1-c1e5-400e-87d6-d589aff4ce4c-00009387-14

BREVIS DELINEA-
TIO TOTIUS CONTROVER-
SIÆ SACRAMEN-
TARIÆ.

Sex propositionibus sive quæ-
stionibus inclusa & comprehensa, omnibusq;
cœlestis veritatis, pacis ac concordiae cupidis ac
amantibus ad justum examen atque legiti-
mam dijudicationem, & ad pacem ac concordiam protestantium
procerum stabiliendam & confirmandam pu-
blicè proposita.

Ab


Heinrico Mollero cœlestis veri-
tatis, pacis ac concordiae a-
matore.

ANNO CHRISTI.

DIVina Veritas hic preMitit, ast non VbiqVe perit & Interit.
1 234

Prostat

In officina Johannis Caroli Unckelii Librarii
Mœno Francofurtensis.



urn:nbn:de:urmel-09fa0da1-c1e5-400e-87d6-d589aff4ce4c-00009387-39



*Reverendo, Excellentissimo, Clarissimo atq, doctissimo
viro, Domino*

**Iohanni Gerhardo S S. Theolo-
logiæ Doctori & in illustri Salana Professori,
fautori atque amico suo semper re-
verenter colendo,**

Quamdiu, reverende, excellentissime, clarissime atq, doctissime
Domine Doctör, fautor ac amice summè colende, controversia
sacramentaria Ecclesiam protestantium male dirigaverit
& misere dilaceraverit, reverendiss. Excellentiss. tuam minimè la-
tet. Hanc litem & controversiam, si non prorsus tollere ac radi-
citus abrogare, saltem aliqua ex parte lenire ac mitigare studui, e-
dito ac divulgato in superiori anno Arbitro controversia sacra-
mentaria, & nunc brevi hac Delineatione emissâ, quam cer-
tis de causis præ cæteris reverendiss. Excellentiss. tua singulari-
ter offerre ac eidem quasi dedicare volui, maiorem in mo-
dum orans & obsecrans, ut, si quid noverit rectius ac melius
quodque fidei magis analogum & natura ac proprietati sacra-
mentorum magis consonum & conforme sit, candidè impertiat. Sin
verò in conscientia sua convicta fuerit, hanc doctrinam, quam
brevissimè proposui, esse orthodoxam & catholicam atque natu-
ra ac proprietati sacramentorum convenientem, DEO det glo-
riam, veritati cælesti palmam deferat, eandemque publico suo
testimonio approbet & confirmet, quò pax & concordia Evange-
lica.

A 2

licorum ac protestantium nuper inita magis magisque confirmetur
ac stabiliatur. Huic mea petitioni iusta, pia ac aqua rever. Excellent.
tuam locum daturam, eidemque satisfacturam esse minimè dubito.
Salva sit reverenter rev. excell. tua ac diu feliciterque vivat ac va-
leat. Dabantur Francofurti ad Mœnum pridie calenda-
rum Aprilis, Anno recuperata per Christum.

salutis. 1634.

Rev. Excell. tuam

submisſe colens

Heinricus Mollerus cœlestis
veritatis ſectator.

BREVIS.



BREVIS DELINEA-
TIO TOTIUS CONTROVERSIÆ
SACRAMENTARIÆ SEX PROPOSITIONIBVS
sive quæstionibus inclusa &
comprehensa.

QVÆSTIO PRIMA.

AN omne & quodlibet Sacramentum veteris
ac novi Testamenti, juxta tritam ac nimis
pervulgatam Irenæi patris pervetusti opinio-
nem & sententiam, duabus partibus vel rebus
constet: Re terrenâ & cœlesti. Vel quod idem
est, & eodem recidit: Re visibili & invisibili, si-
gno & signato, externo elemento & verbo pro-
missionis, vel externâ ceremoniâ & promissio-
ne gratiæ? Affirmativa ab omnibus orthodoxis
affirmatur, approbatur & laudatur.

QVÆSTIO SECUNDA.

AN unio & præsentia, conjunctio & copula-
tio rei terrenæ ac cœlestis, visibilis ac invisi-
bilis, signi & signati, externi elementi & verbi
promissionis sive rei promissæ in omni ac quo-
libet

A 3 libet

libet Sacramento sit naturalis, corporalis ac substantialis cohærentia, aut localis unius in altero inclusio, latentia vel inexistencia? An verò hæc unio, præsentia, conjunctio & copulatio sit sacramentalis ac testamentaria in tribus potissimum consistens: In significatione, exhibitione & obsignatione rei cœlestis ac signatæ? Posterius verbo Dei & analogiæ fidei est conformum, & naturæ ac proprietati omnium Sacramentorum conforme.

QVÆSTIO TERTIA.

AN in quolibet & singulo sacramento veteris ac novi Testamenti res terrena & cœlestis, visibilis ac invisibilis, signum & signatum, externum elementum & res promissa uno atq; eodem modo ac ratione, uno eodemq; organo, instrumento ac medio accipiantur, apprehendantur atq; sumantur? Negativa omnibus cœlestis veritatis cupidis atq; amantibus ardebit atq; placebit.

QVÆSTIO QVARTA.

AN corpus & sanguis Christi in sacra Dominicæ cenæ sint res terrena, visibilis, signum & exter-

urn:nbn:de:urmel-09fa0da1-c1e5-400e-87d6-d589aff4ce4c-00009387-77

externum elementum, & cibus oris, corporis ac ventris? An verò sint res cœlestis, invisibilis, signatum, & res promissa, atque cibus animæ, cordis ac mentis? Prius à Capernaitis; posterius ab orthodoxis approbatur.

QVÆSTIO QVINTA.

AN increduli, hypocritæ verâ fide destituti, ad sacramenta accedentes ac iisdem utentes, in omni ac singulo sacramento, non solum rem terrenam & visibilem, signum ac externum elementum, verum etiam rem cœlestem & invisibilem, signatum & rem promissam accipiant & ejus participes fiant? Negativa ab orthodoxis defenditur, approbante Apologiâ Augustanæ confessionis de ecclesia: Fatemur, multos hypocritas & malos his in hac vita admixtos, habere societatem externorum signorum, qui sunt membra Ecclesiæ secundum societatem externorum signorum. Item: Impios illos, quamvis habeant societatem externorum signorum, tamen non esse verum regnum

Christi & membra
Christi.

Quæ

urn:nbn:de:urmel-09fa0da1-c1e5-400e-87d6-d589aff4ce4c-00009387-87

QVÆSTIO SEXTA.

AN Christus servator noster sapientissimus, imò sapientia ipsa cœnam suam satis sapienter, seicte ac decorè instituerit, & ceremonias pias, utiles ac necessarias adhibuerit? An verò quædam ceremoniæ sint corrigendæ & prorsus omittendæ, accœna Domini juxta doctrinas, mandata ac traditiones hominum, vel juxta ceremonias ab Antichristo introductas, quæ rationi videntur multo commodiores, sit administranda & dispensanda? Prius orthodoxi, posterius servi ac parasiti Antichristi probabunt & affirmabunt.

Deo veritatis gloria.

urn:nbn:de:urmel-09fa0da1-c1e5-400e-87d6-d589aff4ce4c-00009387-94